

2 : TAUHEED AL-ULUHIYYAH.

Maana yake ni kumpwekesha Allah (sw) katika aina zote za Ibada, kwamba asifanye mwanadamu na kuabudu pamoja na Allah (sw) kiumbe yeyote na kujikurubisha kwake huyo kiumbe.

Tauheed hii ndio tauheed muhimu sana kuifahamu, ndio tauheed ambayo Allah (sw) kawaambia viumbe wote kwa ajili yake Allah (sw).

قال تعالى: ﴿ وَمَا خَلَقْتُ الْجِنَّ وَالْإِنْسَ إِلَّا لِيَعْبُدُونِ ﴾ [الذاريات: ٥٦]

Allah (sw) anasema: ("Sikuwaumba majini na binadamu isipokuwa ni kwa lengo la kuniabudu") (Adhariyat: 56).

Tauheed hii ndio ambayo Allah (sw) aliwatuma mitume wake, akawateremshia na vitabu.

قال تعالى: ﴿ وَمَا أَرْسَلْنَا مِنْ قَبْلِكَ مِنْ رَسُولٍ إِلَّا نُوحِي إِلَيْهِ أَنَّهُ لَا إِلَهَ إِلَّا أَنَا فَاعْبُدُونِ ﴾ [الانبيا: ٢٥].

Allah (sw) anasema: ("Hatukutuma Mtume wa aina yoyote kabla yako isipokuwa tulimfunulia ya kuwa hapana mola aabudiwaye kwa haki isipokuwa mimi (Allah) basi niabuduni") (Al-aniyah: 25).

Tauheed hii ndio ambayo washirikina waliikataa na kuipinga wakati walipolinganiwa na mitume wa Allah (sw).

قال تعالى: ﴿ قَالُوا أَجِئْتَنَا لِنَعْبُدَ اللَّهَ وَحْدَهُ وَنَذَرَ مَا كَانَ يَعْبُدُ آبَاؤُنَا ﴾ [الأعراف: ٧٠]

Allah (sw) anasema ("Wakasema kumwambia Hud, je umetuita tumuabudu mwenyezi mungu peke yake, na tuihame ibada ya masanamu ambayo tuliirithi kutoka kwa baba zetu") (Al -A'raf :70).

Haifai kufanya aina yoyote ya ibada kwa asiekuwa Allah (sw), sio kwa Malaika aliye karibu na Allah (sw), wala Nabii aliyetumwa, wala kwa Walii aliyekuwa mwema, wala yoyote katika vumbe vyake Allah (sw), kwani haifai ibada ya aina yoyote kufanywa asipokuwa ifanywe kwa ajili ya Allah (sw).